



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj __. __. 2022. godine, usvojilo je

Izveštaj o primjeni Odluke o upotrebi grba, imena i isticanju zastave Grada Sarajeva.

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

IZVJEŠTAJ
o primjeni Odluke o upotrebi grba, imena i isticanju zastave Grada Sarajeva

Predlagač: Gradonačelnica
Obrađivač: Gradska služba za opću upravu
i zajedničke poslove

Sarajevo, oktobar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I Uvod

Programom rada Gradskog vijeća Grada Sarajeva za 2022. godinu, broj: 01-GV-02-1776/21 od 29.12.2021. godine, za mjesec oktobar 2022. godine, planirano je razmatranje Izvještaja o primjeni Odluke o upotrebi grba, imena i isticanju zastave Grada Sarajeva.

Odlukom Gradskog vijeća Grada Sarajeva o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst, broj 33/07 i broj 25/19), propisani su uslovi i način korištenja imena i grba Grada Sarajeva, kao isticanja zastave Grada Sarajeva.

Navedenom Odlukom su utvrđeni kriteriji za odobravanje upotrebe imena Grada Sarajeva, koji se procjenjuju u svakom konkretnom slučaju, na osnovu dostavljene dokumentacije koja se odnosi na rad i djelatnost pravnog lica odnosno podnosioca zahtjeva. Odlukom je također utvrđena i obaveza plaćanja godišnje naknade za upotrebu grba i imena Grada Sarajeva sa precizno definisanim kriterijima za utvrđivanje iznosa naknade, kao i izuzeće od obaveze plaćanja naknade.

Provođenje Odluke o upotrebi grba, imena i isticanju zastave Grada Sarajeva je u nadležnosti Gradske službe za opću upravu i zajedničke poslove.

II Aktivnosti na rješavanju podnesenih Zahtjeva za odobravanje upotrebe grba, imena i isticanja zastave Grada Sarajeva u periodu oktobar 2021. godine – oktobar 2022. godine

U izvještajnom periodu podneseno je ukupno 7 (sedam) Zahtjeva za odobravanje upotrebe grba, imena i isticanje zastave Grada Sarajeva, a isti su rješavani kako slijedi:

1. Rješavajući zahtjev Udruženja za očuvanje i razvoj umjetnosti „Artist“, gradonačelnica Grada Sarajeva je, na prijedlog Službe, 25.11.2021. godine, izdala Rješenje o odobravanju upotrebe imena Grada Sarajeva u nazivu manifestacije „Međunarodni festival dječije muzike Sarajevo“. Upotreba imena Grada Sarajeva odobrena je bez plaćanja naknade, a sve u skladu sa članom 18. Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06-prečišćeni tekst, 33/07 i 25/19).

2. Rješavajući po zahtjevu pravnog lica „Red Africa“ d.o.o., gradonačelnica je, na prijedlog Službe, 15.02.2022. godine izdala Rješenje o odobravanju upotrebe imena Grada Sarajeva na promotivnim, reklamnim i svim drugim materijalima kao i dokumentarnim filmovima koji će biti izrađeni i korišteni prilikom redovnih djelatnosti navedenog pravnog lica. Upotreba imena Grada Sarajeva odobrena je uz obavezu plaćanja godišnje naknade u iznosu od 720,00 KM, a što je određeno u skladu sa članom 17. stav (1) Odluke kojim je, pored ostalog, propisano da se pravnim licima koja ostvaruju pozitivne poslovne rezultate, imaju mali obim poslovanja, produktivnost i dobit, a koja zapošljavaju do 10 radnika, utvrđuje godišnja naknada za upotrebu grba ili imena Grada Sarajeva u iznosu od 720,00 KM.

3. Rješavajući zahtjev pravnog lica FK „Sarajevo“ d.o.o., gradonačelnica Grada Sarajeva je, na prijedlog nadležne Službe, 01.04.2022. godine izdala Rješenje o odobravanju upotrebe imena Grada Sarajeva u nazivu tog pravnog lica. Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, između ostalog, propisano da se

pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

4. Rješavajući po zahtjevu korisnika Senada Džaferovića, gradonačelnica je, na prijedlog nadležne Službe, dana 06.04.2022. godine izdala Rješenje kojim se odobrava upotreba imena Grada Sarajeva u nazivu kampa domaćinstva „Camping Sarajevo“. Upotreba imena Grada Sarajeva odobrena je u skladu sa odredbom člana 17. stav (4) Odluke o upotrebi grba, imena i isticanju zastave Grada Sarajeva, uz obavezu plaćanja godišnje naknade u iznosu od 100,00 KM.

5. Rješavajući zahtjev Udruženja za poticanje poduzetništva i zapošljavanje mladih „SIM“, gradonačelnica Grada Sarajeva je, na prijedlog Službe, 12.07.2022. godine, izdala Rješenje o odobravanju upotrebe imena Grada Sarajeva u nazivu brenda „TEDxSarajevo“, postupajući u skladu sa članom 17. stav (4) Odluke o upotrebi grba, imena i isticanju zastave Grada Sarajeva, kojom je, između ostalog, propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

6. Rješavajući po zahtjevu pravnog subjekta „Exo medical“ d.o.o. Sarajevo, gradonačelnica je, na prijedlog Službe, 09.08.2022. godine, izdala Rješenje kojim se ukida Rješenje gradonačelnika Grada Sarajeva broj 01-05-6166-1/09 od 20.10.2009. godine, kojim je odobrena upotreba imena Grada Sarajeva u nazivu pravnog lica „Sarajevo-farm“ d.o.o. Sarajevo, zbog nastupanja promjene naziva pravnog lica. Shodno naprijed navedenom, pristupilo se i ukidanju pravnog subjekta iz evidencije pravnih subjekata koji su u obavezi plaćanja godišnje naknade za upotrebu grba i imena Grada Sarajeva.

7. Rješavajući zahtjev Javne ustanove „Gradski Muzeji“ Sarajevo, gradonačelnica Grada Sarajeva je, na prijedlog Službe, dana 15.09.2022. godine, izdala Rješenje o odobravanju upotrebe grba i imena Grada Sarajeva, koji će se koristiti na pozivnicama za event pod nazivom „Vizija postaje stvarnost – uvodna prezentacija projekta Muzeja Ars AEVI“. Upotreba imena Grada Sarajeva odobrena je bez plaćanja naknade, a sve u skladu sa članom 18. Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06-prečišćeni tekst, 33/07 i 25/19).

Nakon okončanja postupaka po svim gore navedenim zahtjevima za upotrebu grba i imena Grada Sarajeva, obavljena je primopredaja odgovarajućeg broja primjeraka donesenih rješenja podnosiocima zahtjeva na koje se odnose rješenja, a predmeti su uredno evidentirani u skladu sa odredbom člana 15. Odluke.

III PREGLED TRENUTNOG STANJA

Gradska služba za opću upravu i zajedničke poslove, u skladu sa članom 15. Odluke o upotrebi grba, imena i isticanju zastave Grada Sarajeva, vodi posebnu evidenciju o donesenim rješenjima za upotrebu grba i imena.

Uvidom u Evidencije, utvrđeno je da je trenutno na snazi ukupno 191 rješenje o upotrebi imena.

Prema izdatim rješenjima, ukupno 74 (sedamdesetčetiri) pravna subjekta imaju obavezu plaćanja naknade za upotrebu imena Grada Sarajeva, od toga:

- 14 (četrnaest) pravnih subjekata ima godišnju obavezu plaćanja naknade u iznosu od 4.800,00 KM,
- 1 (jedan) pravni subjekat ima obavezu plaćanja godišnje naknade u iznosu od 2.400,00 KM,
- 3 (tri) pravna subjekta u iznosu od 1.200,00 KM,
- 11 (jedanaest) pravnih subjekata ima obavezu plaćanja godišnje naknade u iznosu od 720,00 KM, i
- 45 (četrdesetpet) pravnih subjekata ima obavezu godišnjeg plaćanja naknade u iznosu od 100,00 KM, i

Ukupno 117 (jednastotinasedamnaest) pravnih subjekata nema obavezu plaćanja naknade.

IV Zaključak

- Shodno izdatim Rješenjima o upotrebi grba, imena i isticanja zastave Grada Sarajeva, očekivani prihodi u Budžetu Grda Sarajeva za 2022. godinu iznose cca 85.620,00 KM.
- Trenutno dugovanje po izdatim Rješenjima iznosi cca 73.340,00KM. Pravobranilaštvo Grada Sarajeva je pokrenulo postupke naplate dospjelih a neizmirenih potraživanja.